



NEWSLETTER BR. 18

APRIL 2016

FIPA AKTIVNOSTI ≡

SADRŽAJ

- » Predstavnicima FIPA-e posjetili Hannover Messe 2016
- » Bh. vina predstavljena na poznatom sajmu vina u Japanu
- » Privrednici iz Izmiria zainteresirani za ulaganje u poljoprivredni sektor BiH
- » FIPA će tražiti investitore za projekat „Ivanica“
- » Direktor FIPA-e razgovarao sa predstavnicima njemačkih firmi 123 eco-systems GmbH i Exzellent Energie Management
- » Predstavnicima firme CalEri Group posjetili FIPA-u
- » FIPA – Ambasada Češke: Česima najinteresantnija obnovljiva energija i ekološki projekti
- » Predstavnicima kineske kompanije NCPE posjetili FIPA-u
- » WAIPA-FIPA: Regionalni sastanak u okviru Međunarodnog sajma privrede u Mostaru
- » Predstavnicima Privredne komore provincije Hebei posjetili FIPA-u
- » Predstavnik FIPA-e Amir Kazić razgovarao sa kineskim privrednicima na Međunarodnom sajmu privrede Mostar 2016
- » FIPA prezentirala mogućnosti za investiranje i poslovanje sa Bosnom i Hercegovinom u okviru zvanične posjete Vijeća ministara BiH Republici Turskoj
- » Posjeta FIPA-e gradonačelniku Istočnog Sarajeva
- » Predstavnicima USAID-Sida GOLD projekta Bosna i Hercegovina posjetili FIPA-u
- » Učešće FIPA-e na Promotivnoj konferenciji privrednih i investicijskih potencijala Bosne i Hercegovine u Istanbulu
- » FIPA: Kompanija Enchantress Ambiances iz Saudijske Arabije ulaže u sektor turizma BiH
- » FIPA prezentirala preporuke za unapređenje poslovnog ambijenta u BiH

FIPA AKTIVNOSTI ≡



PREDSTAVNICI FIPA-E POSJETILI HANNOVER MESSE 2016



BH. VINA PREDSTAVLJENA NA POZNATOM
SAJMU VINA U JAPANU ≡



...I JOŠ FIPA AKTIVNOSTI..



PREDSTAVNICI FIPA-E POSJETILI HANNOVER MESSE 2016



Delegacija Agencije za unapređenje stranih investicija u BiH (FIPA) na čelu sa direktorom Gordanom Milinićem posjetila je sajam Hannover Messe, najveći međunarodni sajam industrijskih tehnologija u svijetu, koji je održan od 25. do 29. aprila 2016. godine u Hannoveru u Njemačkoj sa ciljem pronalaska potencijalnih stranih investitora koji bi mogli ulagati u Bosnu i Hercegovinu.

Predstavnici FIPA-e su na sajmu obavili razgovore sa nizom potencijalnih investitora iz SAD-a, Njemačke, Austrije, Kine, Rusije, Danske, UAE, Turske, Italije i drugih zemalja kojima su predstavljene mogućnosti za ulaganje u BiH i date detaljnije informacije o uvjetima poslovanja.

Sa većim brojem značajnih svjetskih kompanija dogovoren je nastavak kontakata i suradnje, a neke od njih su najavile posjetu BiH.

Dogovoren je također nastavak suradnje sa kompanijama koje imaju namjeru premjestiti svoju proizvodnju na nove lokacije koje bi njihovo poslovanje mogle učiniti još profitabilnijim.

Sajam Hannover je idealno mjesto upoznavanja poslovnih partnera i preko 60 godina je vodeći sajam na tržištu inovativnih tehnologija, materijala i ideja.

Zemlja partner sajma u Hannoveru su bile SAD.



BH. VINA PREDSTAVLJENA NA POZNATOM SAJMU VINA U JAPANU



Četiri vrste vina iz BiH, Vranac i Hum Cabernet Sauvignon Manastira Tvrdoš iz Trebinja i Blatina i Žilavka iz podruma Nuić iz Ljubuškog predstavljani su i prodavani na 89. Svjetskom sajmu vina u Tokiju, koji je održan od 6. do 12. aprila. Više od 900 vrsta vina iz svijeta su bili izloženi i prodavani u centru Daimaru, koji je u kategoriji Harrods centara u Londonu.

Japanski potrošači su bili zadovoljni visokom kvalitetom bh. vina i uživali su u degustaciji Vranca i Blatine. Predstavnik FIPA-e u Japanu g. Shigehiko Nishihama učestvovao je na navedenom sajmu na kojem je direktno predstavljao vina iz BiH japanskim potrošačima.

Od januara 2014. godine, BiH je počela izvoziti vino u Japan zahvaljujući u velikoj mjeri g. Nishihamai koji je uložio velike napore da bi došlo do izvoza.

Japanska firma pod nazivom M & P Corporation iz Tokija odlučila je da uveze ukupno 9 vrsta vina iz BiH (6 crvenih i 3 bijela vina) iz dvije vinarije: Vinograd Nuić i Vino Manastir Tvrdoš. Ovih 9 vrsta vina se prodaju u prodavnicama i putem web-stranice tržnog centra u Japanu, čiji link slijedi u produžetku: <http://item.rakuten.co.jp/chichukai/c/0000000358/>

Više od deset godina, predstavnik FIPA-e u Japanu imao dobre odnose sa vinarijama u BiH. Tokom boravka u BiH u više navrata posjetio je sve vinarije i uvjerivši se u kvalitet domaćih vina, počeo sa aktivnostima promoviranja domaćih vina na japanskom tržištu. Nakon nekoliko godina promoviranja, na kraju je uspio da pronađe japansku firmu koja je bila zainteresirana za uvoz vina iz BiH.



PRIVREDNICI IZ IZMIRA ZAINTERESIRANI ZA ULAGANJE U POLJOPRIVREDNI SEKTOR BiH



Privredna delegacija iz Izmira na čelu sa počasnim generalnim konzulom BiH u Turskoj Ahmetom Kemalom Bayaskom razgovarali su sa rukovodstvom Agencije za unapređenje stranih ulaganja u BiH (FIPA) o mogućnostima realizacije projekata stočarstva i uzgoja ukrasnog bilja u BiH. Riječ je o privrednicima koji uspješno posluju u Turskoj, ali i na tržištima Ruske Federacije.

Zamjenik direktora FIPA-e Blaženka Mišković zahvalila se turskim privrednicima na posjeti, te ukratko prezentirala osnovne informacije o radu Agencije, ističući da Bosna i Hercegovina očekuje veći priliv investicija iz Turske, s obzirom na dobre postojeće političke, kulturne i druge odnose između dvije zemlje. Privrednici su informirani o pravnom okviru koji se tiče stranih investitora u BiH, načinu na koji mogu osnovati firmu ili poslovnicu, uvjetima za investiranje, određenim reformama koje su doprinijele olakšanju pokretanja privredne aktivnosti, povlasticama i poticajima u FBiH i RS-u. Date su informacije o lokacijama koje su povoljne za bavljenje navedenim djelatnostima. FIPA će biti u stalnom kontaktu sa navedenim poduzetnicima i pružit će svu potrebnu pomoć kako bi došlo do realizacije investicije. Počasni konzul Baysak je informirao rukovodstvo FIPA-e kako svakodnevno ima kontakte sa turskim privrednicima koji su zainteresirani da posjete Bosnu i Hercegovinu kako bi se susreli sa predstavnicima institucija sa kojima bi razgovarali o mogućnostima ulaganja, o čemu svjedoči i ova današnja posjeta, kao i ranije posjete koje je organizirao. Govorio je o projektu Međunarodnog Univerziteta Sarajevo (IUS) kojeg je sa nekoliko prijatelja iz Turske i BiH realizirao i u koji je do sada uloženo 35 miliona eura. Projekat su započeli 2004, on još uvijek nije okončan i smatra da će troškovi iznositi 60 miliona eura. IUS danas ima 300 zaposlenih. Ovaj projekat ima karakter vakufa koji je također doprinio razvoju privrede.



FIPA ĆE TRAŽITI INVESTITORE ZA PROJEKAT „IVANICA“



Direktor Agencije za unapređenje stranih investicija u BiH (FIPA) Gordan Milinić razgovarao je sa predstavnicima turističkog projekta „Ivanica“ o mogućnosti pronalaska stranog investitora za ovaj projekat koji obuhvata 650 hektara zemljišta i čija se vrijednost procjenjuje na više od 500 miliona eura. Projektom je planirana izgradnja turističkog grada sa svim potrebnim sadržajima čija će ponuda i sadržaji učiniti da Ivanica postane veoma prepoznatljiva i poznata turistička destinacija.

Ono što čini ovo područje još interesantnijim jeste blizina susjedne države Hrvatske, tj. Europske unije. Naselje je udaljeno svega šest kilometara od središta jadranskog bisera Dubrovnika.

Direktor Milinić je obećao da će informirati investitore sa kojima se susreće o navedenom projektu, te će ukoliko se ukaže interes povezati vlasnike projekta i investitore, te pružiti svu ostalu potrebnu pomoć.



DIREKTOR FIPA-E RAZGOVARAO SA PREDSTAVNICIMA NJEMAČKIH FIRMI 123 ECO-SYSTEMS GMBH I EXZELLENT ENERGIE MANAGEMENT



Predstavnici njemačkih firmi 123 eco-systems GmbH i Exzellent Energie Management Bernd Imhof i Andreas Jehnert posjetili su Agenciju za unapređenje stranih investicija u BiH (FIPA) kako bi dobili informacije o trenutno raspoloživim projektima upravljanja otpadom u BiH.

Navedene firme su specijalizirane za recikliranje otpada i proizvodnju postrojenja za recikliranje svih vrsta otpada od kojeg proizvode električnu energiju. Posluju u više zemalja svijeta Švicarskoj, Holandiji, Mađarskoj, itd, i nude tri različite vrste suradnje u implementaciji projekata od zajedničkog interesa.

U BiH su nedavno otvorili firmu „Elektro san“ čija će osnovna djelatnost biti proizvodnja solarne energije. Direktor FIPA-e Gordan Milinić je informirao investitore o uslugama i pomoći koju Agencija pruža investitorima, osnovnim aktivnostima, kao i podršci koju joj pružaju nadležne institucije u BiH.

Predstavljeni su trenutno raspoloživi projekti iz spomenute oblasti, te informacije o slobodnim zonama i lokacijama u BiH koje bi mogle biti interesantne za investitore. FIPA će informirati nosioce projekata, kao i lokalne zajednice/općine o mogućnosti suradnje sa navedenim investitorima, te nakon iskazanog interesa spojiti vlasnike projekata i investitore radi daljih dogovora i eventualne suradnje.



PREDSTAVNICI FIRME CALERIN GROUP POSJETILI FIPA-U



Direktor Agencije za unapređenje stranih investicija u BiH (FIPA) Gordan Milinić razgovarao je sa predstavnicima firme CalErin Group iz Bugarske Davidom Keavneyem i Danielom Dobrevim o potencijalima bh. energetskog sektora i mogućnostima za ulaganja, sa fokusom na velike projekte termo i hidro elektrana za koji su iskazali veliki interes, kao i za projekte putne infrastrukture (auto-putevi, brze ceste, željeznice).

Nakon prezentacije o prirodnim resursima u oblasti bh. energetskog sektora, investitori su izrazili poseban interes za projekte termo-elektrana u BiH Kongora, Miljevina i Kakanj – Blok 8.

Predstavljajući trenutne aktivnosti Agencije na pronalasku potencijalnih investitora i promoviranju potencijala Bosne i Hercegovine, direktor FIPA-e Gordan Milinić je istakao da će Agencija biti na raspolaganju investitorima, da će im dostaviti sve tražene informacije i raspoložive projekte, povezati vlasnike projekata i investitore i učiniti sve dodatne napore kako bi se investitor odlučio da investira u BiH.



FIPA – AMBASADA ČEŠKE: ČESIMA NAJINTERESANTNIJA OBNOVLJIVA ENERGIJA I EKOLOŠKI PROJEKTI



Na poziv Ambasade Republike Češke u BiH, direktor Agencije za unapređenje stranih investicija BiH (FIPA) Gordan Milinić sa suradnicima susreo se sa ambasadorom N.J.E. Jakubom Skalnikom u sjedištu Ambasade.

Na sastanku je razgovarano o mogućnostima ekonomske suradnje između dvije zemlje i pronalasku čeških investitora koji bi ulagali u BiH.

Ambasador Skalnik je istakao ovom prilikom da su češki investitori zainteresirani za ulaganje u obnovljive izvore energije u BiH, te ekološke projekte prečišćavanja voda i rješavanje pitanja otpada. Također je obećao pomoć u pronalasku čeških investitora.

Direktor Milinić je istakao spremnost FIPA da pruži pomoć svakom investitoru, počev od registracije firme do okončanja projekta.



PREDSTAVNICI KINESKE KOMPA NIJE NCPE POSJETILI FIPA-U



Poseban interes izrazili za projekte termoelektrana Kongora, Miljevina i Kakanj – 8 blok, te za auto-puteve, željeznice i aerodrome Predstavnic i kineske kompanije NCPE-North China Power Engineering Yubin Diao i Vladislav Kačanovskij sa suradnicima posjetili su Agenciju za unapređenje stranih investicija u BiH (FIPA) sa ciljem da se informiraju o investicionim potencijalima Bosne i Hercegovine u oblasti energetike i saobraćaja.

NCPE je osnovana 1955. godine i vodeća je kompanija u Kini u oblasti energetike, sa učešćem od 10% na tržištu električne energije u Kini. U posljednjih 60 godina izgradili su veliki broj elektrana čija ukupna snaga iznosi 100.000 Mw/h. Također se bave izgradnjom vjetro i solarnih elektrana.

U posljednjih 15 godina u Nigeriji su izgradili 10 elektro-energetskih projekata, a u Bjelorusiji posluju od 2008. godine i izgradili su do sada dvije termo-elektrane. U okolini Minska grade gasne turbine i dalekovode od 330 Kw dužine 1.100 kilometara, a u Poljskoj nekoliko termoelektrana na gasni pogon.

Također posluju i u oblasti putne infrastrukture, kao i plinske i naftne industrije.

Zainteresirani su za suradnju sa BiH po svim osnovima, uključujući i program „Kina + 16“.

Direktor FIPA-e Gordan Milinić upoznao je investitore sa glavnim aktivnostima Agencije, susretima sa investitorima, kao i uspostavljanju stalnih kontakata sa ciljnim grupama Agencije, te obećao pomoć pri realizaciji projekata koje kineska kompanija odabere, kao i organiziranje sastanaka sa nosiocima projekata.

Nakon prezentacije o prirodnim resursima u oblasti bh. energetskog sektora, razlozima za investiranje u ovaj sektor, tržištu električne energije, strukturi proizvodnje električne energije, operativnim troškovima, kineski investitori su izrazili poseban interes za projekte termo-elektrana u BiH Kongora, Miljevina i Kakanj-8.blok, kao i za projekte auto-puteva, željeznica i aerodroma.



WAIPA-FIPA: REGIONALNI SASTANAK U OKVIRU MEĐUNARODNOG SAJMA PRIVREDE U MOSTARU



Svjetsko udruženje agencija za unapređenje stranih investicija WAIPA u suradnji sa Agencijom za unapređenje stranih investicija BiH (FIPA) organizirala je u Mostaru 14. aprila 2016. godine regionalni sastanak na temu: "Iskustva i izazovi u privlačenju direktnih inozemnih ulaganja; Optimalna upotreba Programa postinvesticijske podrške u procesu privlačenja direktnih stranih ulaganja".

Skup je organiziran kako bi se razmijenila iskustva i najbolje svjetske prakse u procesu privlačenja investicija i kako bi se jačala regionalna suradnja agencija za unapređenje stranih investicija i nadležnih institucija.

U okviru sastanka održana je panel diskusija na kojoj su učestvovali predstavnici Agencija za strana ulaganja BiH, Bugarske, Turske i Tatarstana i Grupacije Svjetske banke. Gordan Milinić, Stamen Yanev, Furkan Karakaya, Minulina Taliya Ilgizovna i Tarik Šahović su govorili o njihovom pristupu i radu u privlačenju stranih ulaganja, kao i viziji za unapređenje aktivnosti u navedenoj oblasti.

Predstavnik Svjetske Banke William Mut je predstavio Unaprijeđeni program postinvesticione podrške stranim ulagačima, kao i informacije o uspostavljanju Suradničke mreže u BiH za podršku stranim investitorima, dok je predstavnica FIPA-e Adrijana Marić predstavila iskustva FIPA-e u provođenju Aftercare programa kojeg je Grupacija svjetske banke razvila u BiH u suradnji sa Agencijom.

Na konferenciji je govorio izvršni direktor WAIPA-e Boštjan Skalar i predstavnik Međunarodnog privrednog sajama Mostar Oliver Cvitković.

Na sastanku su prisustvovali predstavnici Privredne komore Srbije, Agencije za strana ulaganja Malte, Grupacije Svjetske banke, nadležnih ministarstava BiH, FBiH, RS, kantonalnih ministarstava i općina, Suradničke mreže, privrednih udruženja u BiH, Ambasade Narodne Republike Kine i kineske provincije Hebei, itd.



PREDSTAVNICI PRIVREDNE KOMORE PROVINCIJE HEBEI POSJETILI FIPA-U



Rukovodstvo Agencije za unapređenje stranih ulaganja u BiH (FIPA), predvođeno zamjenikom direktora Blaženkom Mišković, razgovaralo je sa delegacijom Privredne komore, Ureda za strana ulaganja, kao i Ureda kineske banke provincije Hebei Narodne Republike Kine o mogućnostima suradnje, razmjeni informacija o mogućnostima za ulaganja i investicijskim projektima. Zamjenica direktora Mišković je predstavila trenutne aktivnosti Agencije, osvrćući se na Međunarodni privredni sajam u Mostaru na kojem FIPA, u suradnji sa WAIPA-om, organizira konferenciju pod nazivom „Iskustva i izazovi u privlačenju direktnih stranih ulaganja (DSU) – Optimalno korištenje Programa postinvesticijske podrške stranim investitorima u procesu privlačenja DSU“ na koji su pozvani i predstavnici iz Kine.

Na sastanku je razgovarano o učešću kompanija iz provincije Hebei na sajmu u Mostaru i mogućnostima povezivanje sa privrednicima iz BiH.

Kineski predstavnici su upoznali rukovodstvo FIPA-e sa svojim aktivnostima, te o trenutnoj suradnji u okviru programa Kina +16, kao i sajamskim manifestacijama koje će se održati tokom godine u Hebeiju sa fokusom na spomenuti program.



PREDSTAVNIK FIPA-E AMIR KAZIĆ RAZGOVARAO SA KINESKIM PRIVREDNICIMA NA MEĐUNARODNOM SAJMU PRIVREDE MOSTAR 2016



U okviru 19. Međunarodnog sajma privrede Mostar 2016. godine održana je prezentacija Kineskog vijeća za promociju međunarodne trgovine i kineskih kompanija koje su ujedno i izlagači na sajmu.

Prisutnima su se obratili Ministar vanjske trgovine i ekonomskih odnosa Bosne i Hercegovine Mirko Šarović, predsjednik Vanjsko trgovinske komore BiH Bruno Bojić, i regionalni predstavnik FIPA-e Amir Kazić.

G. Kazić je govorio o postojećim i najavljenim kineskim investicijama u atraktivne sektore u BiH čiji se iznos procjenjuje na 1,3 milijarde eura, kao i o prednostima BiH u odnosu na zemlje regiona, te uputio poruku ohrabrenja kineskim kompanijama da nastave investiranje u BiH.



FIPA PREZENTIRALA MOGUĆNOSTI ZA INVESTIRANJE I POSLOVANJE SA BIH U OKVIRU ZVANIČNE POSJETE VIJEĆA MINISTARA BIH REPUBLICI TURSKOJ



Na poziv premijera Republike Turske, državno-poslovna delegacija Bosne i Hercegovine na čelu sa predsjedavajućim Vijeća ministara BiH Denisom Zvizdićem boravila je u zvaničnoj posjeti Turskoj.

U okviru radne večere Poslovnog vijeća Republika Turska-Bosna i Hercegovina, predstavnik FIPA-e Nina Pobrić je 7. aprila održala prezentaciju za turske privrednike pod nazivom "Mogućnosti za investiranje i poslovanje sa Bosnom i Hercegovinom". Predstavnicima nekih od najvećih turskih kompanija prezentirane su informacije o visini poreza i poreznom sistemu u BiH, visini operativnih troškova, lokacijama za ulaganje, finansijskom sistemu, zakonskoj legislativi, podsticajima za ulaganje, ugovorima o slobodnoj trgovini i drugim ugovorima, kao i osnovne informacije o razlozima za ulaganje u poljoprivredno-prehrambeni sektor, turistički, energetski, ICT, metalo-prerađivački, drvni i tekstilni sektor.

Radnom sastanku su prisutvovali i predstavnici nekih od vodećih bh. kompanija iz različitih sektora poput Milkosa, Bosnalijeka, Hepoka, Sarajevske pivare, Mujanović doo, MS&Wood, Bimal, Authority Partners, Networks INT, Codenest, Vizion, itd.



POSJETA FIPA-E GRADONAČELNIKU ISTOČNOG SARAJEVA



Direktor Agencije za unapređenje stranih ulaganja u BiH (FIPA) Gordan Milinić i rukovodstvo FIPA-e su sa zadovoljstvom prihvatili poziv gradonačelnika Istočnog Sarajeva Nenada Samardžije i upriličili posjetu tokom koje su razgovarali o trenutno raspoloživim investicijskim projektima i budućim planovima razvoja grada. Sastanku su prisustvovali predstavnici Agencije „Regionalni razvoj“ Bijeljina koji također surađuju sa gradskom upravom Istočnog Sarajeva u realizaciji gradskih projekata, sa fokusom na projektima iz oblasti poljoprivrede, energetike, turizma i zaštite životne okoline.

FIPA je upoznala gradske vlasti sa aktivnostima koje provodi na pronalasku investitora i uspostavljanju kontakata sa svim relevantnim činiocima privrednih dešavanja u BiH i inostranstvu, kao i nadležnim institucijama koje podržavaju rad FIPA-e. Pored projekata iz Istočnog Sarajeva na kojima sada radi, FIPA će u suradnji sa razvojnim agencijama grada i općina obogatiti svoju bazu podataka i novoformljenim projektima koje će nuditi stranim investitorima. Sastanku je prisustvovao i načelnik Općine Sokolac Milovan Bjelica koji je naglasio da Sokolac raspolaže mogućnostima za ulaganja, posebno u drvoprerađivačku industriju i energetski sektor. Trenutno su im najneophodniji investitori za projekat proizvodnje energije iz obnovljivih izvora i za sistem za prečišćavanje otpadnih voda.



PREDSTAVNICI USAID-SIDA GOLD PROJEKTA BOSNA I HERCEGOVINA POSJETILI FIPA-U



Direktor Agencije za unapređenje stranih ulaganja u BiH (FIPA) Gordan Milinić razgovarao je sa g. Gabrielom Abrahamom, direktorom USAID-Sida GOLD projekta Bosna i Hercegovina, o aktivnostima koje se implementiraju u BiH kroz spomenuti projekat, kao i mogućnostima suradnje sa FIPA-om.

Cilj projekta je povećanje lokalnog ekonomskog razvoja kroz suradnju sa općinama, povećanje mogućnosti za zaposlenje, mogućnosti za izvoz, te identificiranje mogućnosti i projekata za ulaganje. Trenutno surađuju sa 47 općina u BiH. Pored velikog broja aktivnosti koje provode u našoj zemlji, potpomažu i projekt BFC SEE (certificiranje općina za povoljno poslovno okruženje), kroz rad s općinskom administracijom kako bi što bolje ispunili kriterije koji se traže u tom procesu, a što doprinosi njihovoj promociji i konkurentnosti kada je u pitanju privlačenje stranih ulaganja. Trenutno je 21 općina u BiH ušla u proces certificiranja.

Predstavnici USAID- Sida GOLD projekta u potpunosti podržavaju rad FIPA na privlačenju stranih investicija i u tom smislu će podržati i manifestacije koje FIPA organizuje, kao što je planirani biznis forum sa japanskim privrednicima.



MEETING FIPA-AMERICAN CHAMBER OF COMMERCE IN BIH



The Director of the Foreign Investments Promotion Agency of BiH (FIPA) Gordan Milinić talked with the Executive Director of the American Chamber of Commerce in BiH Violeta Čibukčić on continuing cooperation during 2016. American Chamber of Commerce has been present in BiH for 15 years and has 82 members, out of which 13 IT companies.

Considering the importance of finding new contacts in the business of promoting and attracting foreign investments, American Chamber of Commerce in BiH will provide full support to the work of FIPA and will organize meetings of businessmen for presentation of investment opportunities of Bosnia and Herzegovina.



UČEŠĆE FIPA-E NA PROMOTIVNOJ KONFERENCIJI PRIVREDNIH I INVESTICIJSKIH POTENCIJALA BOSNE I HERCEGOVINE U ISTANBULU



Generalni Konzulat Bosne i Hercegovine u Istanbulu u suradnji sa Fondacijom Marmara Grubu i uz podršku Zajednica općina turskog svijeta (TDBB) organizirala je "Promotivnu konferenciju privrednih i investicijskih potencijala Bosne i Hercegovine" 05.04.2016. godine u WOW Convention Center u Istanbulu.

Predstavnik FIPA-e Nina Pobrić je u sklopu konferencije prezentirala razloge za ulaganje u BiH, njene konkurentске i komparativne prednosti i atraktivne sektore za ulaganje.

Konferenciji je prisustvovalo 200 turskih privrednika, a kasnije su održani sastanci sa kompanijama.

Na konferenciji je govorio Mirko Šarović, ministar vanjske trgovine i ekonomskih odnosa BiH, i Safet Softić, prvi zamjenik predsjedavajućeg Doma naroda Parlamentarne Skupštine BiH.



KOMPANIJA ENCHANTRESS AMBIANCES IZ SAUDIJSKE ARABIJE ULAŽE U SEKTOR TURIZMA BIH



Direktor Agencije za unapređenje stranih ulaganja u BiH (FIPA) Gordan Milinić primio je predstavnike firme Enchantress Ambiances iz Saudijske Arabije koji su zainteresirani za ulaganje u sektor turizma i hotelijerstva Bosne i Hercegovine, posebno u zdravstveni turizam. Projektom je planirano zapošljavanje 4.000 bh. građana.

Bosnu i Hercegovinu smatraju svojom novom investicijskom destinacijom, s obzirom da ona nudi prirodne ljepote, povoljnu klimu, banjske centre, sigurnost, a cilj im je također da na ovaj način jačaju veze i suradnju između dvije zemlje.

Prema određenim svjetskim analizama, građani Saudijske Arabije su najveći potrošači u svijetu kao turisti, čak 4,5 miliona turista iz Saudijske Arabije godišnje putuje po svijetu. Samo za medicinske tretmane u inostranstvu godišnje potroše preko 6 miliona dolara.

Svoj interes za ulaganjem u BiH zdravstveni turizam, kao i potencijale koje BiH nudi u ovoj oblasti, promovirat će u Saudijskoj Arabiji, što će doprinijeti povećanju broja i turista i potencijalnih investitora u BiH.

Direktor Milinić je zahvalio predstavnicima firme na posjeti, ističući da svi koji žele investirati u BiH su dobrodošli, i imaće pomoć koju će FIPA investitoru pružiti kroz sve faze investiranja i poslovanja. Predstavio je raspoložive projekte iz oblasti turizma i projekte koji se odnose na proizvodnju pitke vode u BiH koja se smatra najboljom u Europi.

FIPA će povezati investitora i vlasnike projekata, i obezbijediti investitoru sve potrebne informacije o bh. zakonodavstvu koje pokriva navedenu oblast.



FIPA PREZENTIRALA PREPORUKE ZA UNAPREĐENJE POSLOVNOG AMBIJENTA U BIH



Unapređenje poslovnog okruženja je imperativ bez kojeg neće biti ni stranih investitora. Agencija za unapređenje stranih ulaganja u BiH (FIPA) predstavila je danas u Parlamentarnoj skupštini BiH Program postinvesticione podrške stranim investitorima (Aftercare) kojeg sprovodi od 2007. godine, kao i preporuke za unapređenje poslovnog okruženja i uvjeta za investiranje u BiH. U okviru navedenog Programa, FIPA posjećuje strane investitore koji posluju u BiH i u neposrednim kontaktima s investitorima dobiva informacije o problemima na koje oni nailaze u svim fazama investiranja i poslovanja. Agencija u okviru svojih nadležnosti intervenira na različite načine da se otklone administrativne prepreke i otvori put širenju investicije. Tamo gdje ne može sama intervenirati, uključuje ostale nadležne institucije. U 2015. godini, FIPA je aktivno učestvovala u 26 urgencija / asistencija ili rješavanja problema stranim investitorima, od toga 9 asistencija su rezultirale pozitivnim rješenjem. Dio otvorenih pitanja se odnose na regulativu ili generalne ocjene za čije rješavanje je potreban duži period. Ova otvorena pitanja su navedena u Izvještaju i predstavljaju prijedlog reformi koje vode ka unapređenju poslovnog ambijenta u BiH. Kao najistaknutiji problemi evidentirani u prethodnih nekoliko godina sa kojim se strani investitori suočavaju su: sporost sudova kod naplate potraživanja, poreske procedure (rokovi, dokumentacija), neriješena vlasnička pitanja, neuređene zemljišne knjige (osim za određen broj općina), izdavanje saglasnosti (vodne, elektroenergetske, infrastrukturne), korupcija i postojanje sive ekonomije (nelojalna konkurencija), visoke stope doprinosa na plate, komplikovane administrativne procedure, mnoga pitanja vezana za porez na dodatnu vrijednost (PDV), komplikovane carinske procedure (izvozne/uvozne), dugotrajne procedure za izdavanje radnih i boravišnih dozvola, pitanje inspekcija, itd. FIPA jedanput godišnje priprema Izvještaj koji sadržava navedene poteškoće u poslovanju i daje konkretne prijedloge za njihovo rješavanje na svim nivoima vlasti kako bi se poslovanje u Bosni i Hercegovini pojednostavilo. Izvještaj se šalje Vijeću ministara BiH radi razmatranja i usvajanja. Treba istaći potrebu suradnje institucija na različitim nivoima vlasti u BiH na stvaranju uslova za nova ulaganja, jer su nam strani investitori prijeko potrebni. Investicije nam hronično nedostaju, o tome svjedoče spor ekonomski razvoj zemlje i visok procenat nezaposlenih. Usljed nedostatka domaćih sredstava za pokretanje većeg investicionog ciklusa, nama su potrebni strani investitori koji će investirati ovdje, zaposliti naše ljude, povećati životni standard naših građana, donijeti nova znanja i tehnologije. Bez njih nećemo moći napredovati.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA